

fließen sey/ wie er denn auch des Orths anzeiget/ daß der Fürstin
Dianæ Estensi gleichfalls auch 22. Pfundt Bluts auß der Nasen ges
fließen.

**Prob wenn ein unsinniger Hund einen gebissen * ob
die Wunde schädlich/ vnd giftig.**

Nim ein bißlein Brods/ tüncke es in die Wunde/ gib es einer
Hannen zu essen/ isset sie es vnd stirbet/ so ist die Wunde schädlich/
vnd giftig/ das sol dir ein Zeichen sein/ daß du die Wunde nicht
consolidirest, sondern zum wenigsten 40. Tage offen behaltest.

* Qui morsus à cane rabido in rabiem incidit, apparent in
urina ejus figuræ canum. Henr. Corn. Agrip. de phil. occult.
lib. 1. cap. 65.

Proba der Ghur der fallenden Sucht.

Wenn man nimpt A sa foetida, Geiß oder Ziegenhörner ana
ein halb q. thue es zusammen/ vnd lege es auff eine Blut/ vnd lasse
einen so die Epilepsiam gehabt/ darüber riechen/ hat er solchen Ges
brechen der schweren Krankheit nicht mehr/ vnd ist recht curirt
worden/ so schadet ihm solcher Geruch nicht/ wo er aber nicht recht
curirt ist/ vnd die Seuche noch an sich hat/ so felt er als bald.

Das XXIII. Capitel.

**Wenn einem Menschen biß auff den Todt mit Gifte
vorgeben were/ wie ihme zu helffen.**

SIm eine Kröthe reiß sie auff/ nim die Lebern
von ihr/ den eine jegliche Kröthe hat zwö Lebern/ lege
sie alle beyde auff einen Ameisen hauffen/ welche die
Ameisen am meisten bekriechen/ die nim/ denn sie ist die
beste/ hake sie klein/ vnd gib sie dem Kranken heimlich in einer
Suppen